

დაბტკივებულია: საქართველოს ეროვნული ბანკის პრეზიდენტის 2011 წლის 11 თებერვლის N10/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2011 წლის 17 ივნისის N49/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2011 წლის 27 ივლისის N55/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2012 წლის 23 ივლისის N75/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2013 წლის 2 აპრილის N34/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2013 წლის 27 ნოემბრის N118/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2016 წლის 16 მაისის N52/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2017 წლის 28 დეკემბრის N111/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2017 წლის 25 დეკემბრის N182/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2018 წლის 14 ივნისის N106/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2018 წლის 25 ივლისის N169/04 ბრძანებით ცვლილება შეტანილია: საქართველოს ეროვნული ბანკის პრეზიდენტის 2019 წლის 19 მარტის N53/04 ბრძანებით

კომერციული ბანკების მიერ მინიმალური სარეზერვო მოთხოვნების დაცვის წესი

მუხლი 1. ზოგადი დებულებები

1. საქართველოს ეროვნული ბანკი (შემდგომში – ეროვნული ბანკი) საქართველოში ლიცენზირებული კომერციული ბანკებისა და უცხოეთის ბანკების ფილიალისათვის (შემდგომში – ბანკი) აწესებს მინიმალურ სარეზერვო მოთხოვნებსა და ნორმებს „საქართველოს ეროვნული ბანკის შესახებ“ საქართველოს ორგანული კანონის შესაბამისად.
2. მინიმალური სარეზერვო მოთხოვნები წესდება ფულად-საკრედიტო პოლიტიკის მიზნებიდან გამომდინარე და ეროვნული ბანკის მონეტარული ოპერაციების მხარდაჭერის მიზნით.
3. ბანკებმა მინიმალური სარეზერვო მოთხოვნების შესაბამისი თანხები ამ წესის შესაბამისად უნდა იქონიონ ეროვნულ ბანკში შესაბამის ანგარიშებზე.
4. ამ წესის მიზნებისათვის დასაცავი მინიმალური რეზერვების თანხების დამრგვალება ხდება ერთეულ ვალუტამდე. ნახევარ ერთეულზე ნაკლები თანხა მხედველობაში არ მიიღება, ხოლო ნახევარი ერთეული და მეტი თანხა დამრგვალდება ერთ ერთეულამდე.

მუხლი 2. მინიმალური სარეზერვო მოთხოვნების ნორმა

1. ეროვნული ვალუტით მოზიდული სახსრებისათვის მინიმალური სარეზერვო ნორმა არის 5%.
2. უცხოური ვალუტით მოზიდული სახსრებისათვის მინიმალური სარეზერვო ნორმა არის 30%, გარდა ნარჩენი ვადიანობის მიხედვით უცხოური ვალუტით 365 დღიდან 730 დღემდე ვადიანობის ნასესხები სახსრებისა.
3. ნარჩენი ვადიანობის მიხედვით უცხოური ვალუტით 365 დღიდან 730 დღემდე ვადიანობის ნასესხები სახსრებისათვის მინიმალური სარეზერვო ნორმა არის 15%.

მუხლი 3. მინიმალური რეზერვების გაანგარიშება

1. დასაცავი მინიმალური რეზერვების გაანგარიშება ხდება საშუალო მოზიდული სახსრების გამრავლებით მინიმალური სარეზერვო მოთხოვნების ნორმაზე.
2. მოზიდული სახსრები მოიცავს ბანკის ვალდებულებებს მესამე პირების მიმართ ყველა სახის დეპოზიტების, მიღებულ სესხების და მის მიერ გამოშვებული სავალო ფასიანი ქაღალდების სახით, გარდა ამ მუხლის მე-3 პუნქტში აღნიშნული ვალდებულებებისა. საჭიროების შემთხვევაში ეროვნულ ბანკს შეუძლია წერილობით განმარტოს მოზიდულ სახსრებს მიკუთვნებული ვალდებულებების შინაარსობრივი საკითხი.
3. მოზიდულ სახსრებში არ გაითვალისწინება:
 - ა) რეპო და სვოპ ოპერაციებით და საქართველოს ფინანსთა სამინისტროდან უზრუნველყოფილი დეპოზიტების სახით მიღებული ვალდებულებები;
 - ბ) სუბორდინირებული ვალი, რომელიც აკმაყოფილებს საზედამხედველო კაპიტალის პირობებს და ასეთად აღიარებულია ეროვნული ბანკის მიერ, მიუხედავად იმისა ჩართულია თუ არა

საზედამხედველო კაპიტალის გაანგარიშებაში პირველად კაპიტალთან მიმართებაში ზღვრული მოცულობიდან გამომდინარე;

გ) (გაუქმებულია 16.05.2016);

დ) (გაუქმებულია 16.05.2016);

ე) ეროვნული ბანკიდან და სხვა რეზიდენტი ბანკებიდან მიღებული ვალდებულებები.

ვ) ნარჩენი ვადიანობის მიხედვით, ეროვნული ვალუტით 365 დღისა და მეტი ვადიანობის, ასევე უცხოური ვალუტით 730 დღისა და მეტი ვადიანობის ნასესხები სახსრები.

ზ) ბანკის მიერ გამოშვებული სტანდარტული სადეპოზიტო სერტიფიკატები.

ე) არარეზიდენტი კომერციული ბანკებიდან მიღებული მიმდინარე დეპოზიტები და ერთდღიანი დეპოზიტები.

3¹. ამ წესის მიზნებისათვის ნასესხებ სახსრებში შედის საფინანსო ინსტიტუტებიდან მიღებული სესხები, ბანკის მიერ გამოშვებული სავალო ფასიანი ქაღალდები და არასტანდარტული სადეპოზიტო სერტიფიკატები.

4. საშუალო მოზიდული სახსრები არის საანგარიშო პერიოდში ბანკის მიერ მოზიდული სახსრების ანგარიშებზე ყოველი კალენდარული დღის ბოლოს რიცხული ნაშთების საშუალო არითმეტიკული.

5. აშშ დოლარისა და ევროს გარდა სხვა უცხოური ვალუტების ნაშთები მოზიდული სახსრებისა და შესაბამისი მინიმალური რეზერვების გაანგარიშებებში აისახება აშშ დოლარის ექვივალენტური თანხებით.

6. საშუალო მოზიდული სახსრების გაანგარიშება ხდება ცალ-ცალკე ვალუტების მიხედვით:

ა) ეროვნული ვალუტით მოზიდული სახსრების მიხედვით;

ბ) ევროთი მოზიდული სახსრების მიხედვით;

გ) აშშ დოლარით და სხვა უცხოური ვალუტით (ევროს გარდა) მოზიდული სახსრების მიხედვით.

7. საშუალო მოზიდული სახსრები გაანგარიშება საანგარიშო პერიოდის მიხედვით.

8. საანგარიშო პერიოდი არის ეროვნული ბანკის მიერ განსაზღვრული ორკვირიანი პერიოდი, რომელიც იწყება სამშაბათს და მთავრდება ორშაბათს.

მუხლი 4. მინიმალური სარეზერვო მოთხოვნების დაცვა

1. ბანკმა მინიმალური რეზერვები უნდა განათავსოს და დასაცავი პერიოდის განმავლობაში ამ წესის შესაბამისად უნდა შეინარჩუნოს სარეზერვო ანგარიშებზე ეროვნულ ბანკში.

2. დასაცავი პერიოდი არის ორკვირიანი პერიოდი, რომელიც იწყება საანგარიშო პერიოდის დასრულებიდან მეჩვიდმეტე დღეს, ხუთშაბათს და მთავრდება ოთხშაბათს.

3. ყოველ საანგარიშო პერიოდს შეესაბამება ერთი დასაცავი პერიოდი.

4. სარეზერვო ანგარიშებია:

ა) აშშ დოლარის სპეციალური ანგარიში ეროვნულ ბანკში;

ბ) ევროს სპეციალური ანგარიში ეროვნულ ბანკში;

გ) ლარის ანგარიშსწორების ანგარიში ეროვნულ ბანკში.

დ) ლარის საკასო მომსახურების ანგარიში ეროვნულ ბანკში.

5. ბანკმა მინიმალური რეზერვების დაცვა უნდა განახორციელოს მოზიდული სახსრების შესაბამისი ვალუტით. ამასთან, აშშ დოლარის და ევროს გარდა სხვა უცხოურ ვალუტებში მოზიდული სახსრების მინიმალური რეზერვების დაცვა ხდება აშშ დოლარებში, აშშ დოლარის სარეზერვო ანგარიშზე.

6. ბანკი ვალდებულია:

- ა) დასაცავ პერიოდში უცხოური ვალუტის სარეზერვო ანგარიშებზე ყოველდღიურად იქონიოს ამ პერიოდისათვის დასაცავი მინიმალური რეზერვი;
 - ბ) ეროვნული ვალუტის სარეზერვო ანგარიშზე იქონიოს ნაშთი იმგვარად, რომ დასაცავი პერიოდის ბოლოს დაანგარიშებული დასაცავი პერიოდის განმავლობაში არსებული საშუალო ნაშთი იყოს არანაკლებ ამ პერიოდისათვის დასაცავი მინიმალური რეზერვის ოდენობისა.
7. საშუალო დღეებში მინიმალური რეზერვის მოცულობად ჩაითვლება საშუალო დღის ბოლოს სარეზერვო ანგარიშზე არსებული ნაშთი, ხოლო არასაშუალო დღეებში ჩაითვლება წინა საშუალო დღის ბოლოს არსებული ნაშთი.
8. (გაუქმებულია 17.06.2011)
9. უცხოური ვალუტის სარეზერვო ანგარიშზე ფაქტობრივად არსებული ნაშთის შესაბამის მინიმალურ რეზერვთან მეტობის შემთხვევაში, ზედმეტად რიცხულ თანხას დასაცავი პერიოდის დასრულების შემდგომ ეროვნული ბანკი ბანკს უბრუნებს შესაბამისი უცხოური ვალუტის საკორესპოდენტო ანგარიშზე ეროვნულ ბანკში.
10. საბანკო საქმიანობის ლიცენზიის გაუქმების შემთხვევაში, სარეზერვო ანგარიშებზე რიცხულ თანხებს, ასეთის არსებობის შემთხვევაში, ეროვნული ბანკი მთლიანად უბრუნებს ბანკს სალიკვიდაციო ანგარიშზე. იმ შემთხვევაში, თუ ბანკს საბანკო საქმიანობის ლიცენზია გაუუქმდა ბანკის რეორგანიზაციასთან (შერწყმა, მიერთება) დაკავშირებით, მაშინ მოცემული თანხა უბრუნდება უფლებამონაცვლე ბანკს მის მიერ მითითებულ ანგარიშზე.

მუხლი 5. მინიმალურ რეზერვებზე პროცენტის დარიცხვა

- 1. უცხოური ვალუტის სარეზერვო ანგარიშზე არსებულ თანხაზე, მაგრამ არაუმეტეს მინიმალური რეზერვის თანხისა, ბანკს დაერიცხება ეროვნული ბანკის მიერ განსაზღვრული პროცენტი.
- 2. ეროვნული ვალუტის სარეზერვო ანგარიშზე არსებულ დასაცავი პერიოდის საშუალო ნაშთზე, მაგრამ არაუმეტეს მინიმალური რეზერვის თანხისა, ბანკს დაერიცხება ეროვნული ბანკის მიერ განსაზღვრული პროცენტი.
- 3. დარიცხული პროცენტების შესაბამისი თანხის ანგარიშსწორება ხორციელდება დასაცავი პერიოდის დამთავრებიდან არაუგვიანეს მეორე საშუალო დღისა შემდეგ ანგარიშებზე:
 - ა) ბანკის ლარის ანგარიშსწორების ანგარიშზე ეროვნულ ბანკში, ეროვნული ვალუტის სარეზერვო ანგარიშებზე ეროვნული ვალუტით დარიცხული პროცენტის ანგარიშსწორების შემთხვევაში;
 - ბ) ბანკის შესაბამისი ვალუტის საკორესპოდენტო ანგარიშზე ეროვნულ ბანკში, უცხოური ვალუტის სარეზერვო ანგარიშზე არსებულ თანხაზე უცხოური ვალუტაში დარიცხული პროცენტის ანგარიშსწორების შემთხვევაში. უცხოური ვალუტაში ანგარიშსწორებისათვის საკმარისი თანხის უქონლობის გამო, დანაკლის თანხაზე ანგარიშსწორება ხორციელდება იმ დღეს მოქმედი უცხოური ვალუტის ოფიციალური გაცვლითი კურსის შესაბამისი თანხით ეროვნულ ვალუტაში.

მუხლი 6. ანგარიშგება და განსაკუთრებული პირობები

- 1. ბანკების მიერ მინიმალური სარეზერვო მოთხოვნების დაცვის კონტროლს აწარმოებს ეროვნული ბანკი.
- 2. ბანკი ვალდებულია ეროვნულ ბანკს სპეციალურ ელექტრონულ ReserveRequirements@nbg.gov.ge მისამართზე წარუდგინოს ანგარიშგებისათვის პასუხისმგებელი პირის და ბანკის ხელმძღვანელობასა და წარმომადგენლობაზე უფლებამოსილი პირის ციფრული ხელმოწერით დამოწმებული მინიმალური სარეზერვო მოთხოვნების ანგარიშგება ეროვნული ბანკის მიერ მოთხოვნილი ფორმით ყოველი დასაცავი პერიოდის დამთავრებიდან 5 (ხუთი) საშუალო დღის განმავლობაში. იმ შემთხვევაში, თუ ვერ ხერხდება ციფრული ხელმოწერით დამოწმებული ანგარიშგების საქართველოს ეროვნული ბანკისთვის წარდგენა დასაშვებია ანგარიშგებისათვის პასუხისმგებელი პირის და ბანკის ხელმძღვანელობასა და წარმომადგენლობაზე უფლებამოსილი პირის ხელმოწერითა და ბანკის ბეჭდით (ასეთის არსებობის შემთხვევაში) დამოწმებული მინიმალური სარეზერვო მოთხოვნების ანგარიშგების წერილობითი დოკუმენტის სახით ეროვნული ბანკისათვის მიწოდება.

3. განსაკუთრებულ შემთხვევებში, ცალკეული ბანკის დროებითი ფინანსური სიმძნელების შემთხვევაში, ლიკვიდური სახსრების მწვავე უკმარისობის აღმოფხვრის მიზნით, ეროვნული ბანკის საბანკო ზედამხედველობის დეპარტამენტის წინადადებით, ეროვნული ბანკის მაკროეკონომიკისა და სტატისტიკის დეპარტამენტის თანხმობით, ეროვნული ბანკის მონეტარული პოლიტიკის კომიტეტის მიერ განსაზღვრული ვადებითა და პირობებით, ეროვნული ბანკის პრეზიდენტი ან ვიცე პრეზიდენტი უფლებამოსილია ბანკი გაათავისუფლოს მინიმალური სარეზერვო მოთხოვნების დაცვისაგან.
4. მინიმალური სარეზერვო მოთხოვნების დაცვისაგან გაათავისუფლება ხდება ინდივიდუალური ადმინისტრაციულ-სამართლებრივი აქტით, რომელიც გამოიცემა ეროვნული ბანკის პრეზიდენტის ან ვიცე-პრეზიდენტის განკარგულების სახით.